

判豈知道生生死死隨人願 且讀中庸卷參透周易傳道在
邇人求遠聖賢本同徑邪正須明辨還說甚腳跟無線如蓬轉

釵頭鳳

人情偽人身脆可憐至寶隨風碎欲傳玄舌空乾誰能具眼識
破坤乾仙仙 蓬萊頂緱山嶺其間蹊徑先誠信地中天坎
離先定中復靜化出真詮玄玄玄

如夢令

鏡裏朱顏易過意外金烏頻殛及早覓家鄉莫被馬猿耽悞無
措無措何似當初休惰

不向江干聽笛逕到瓊花宮闕醉裏有乾坤擬把玄機盡洩無

道藏輯要

三寶心鑑

巽

璧集四

別無別只在香醪皓月

相見歡

江天賸月無多影偏頗舉酒堪將心事問嫦娥
且止步急回顧霎時間旭日東方又透莫蹉跎

南柯子

綠葉濃如障紅榴色似燒道人觀此轉心焦問你一番春去怎
生招 蜨夢酣難醒醞醕在口邊不將樽疊細尋看笑你北邙
山下滿金錢

浪淘沙

爍石更流金大地炎蒸松陰一枕覺風生雲影泉聲多入夢月